

herbam slubjenja njepřeměnitost swojeje rady pokazać, zastupi z přisahu,\*

18. Zo bychmy přez dwaj njepřeměnitaj skutkaj, při kotrymajž Bóh zelhać njezamóže, najmóćniše pokojenje měli, kotřiž smy wučekli k zapřimnjenju podateje nadźije,\*

19. Kotruž mamy jako kótwicu duše, zawěstu a krutu, kotraž tež zastupuje hač do znutřkowneho zawěška,\*

20. Hdžež je jako předkhódnik za nas zastupil Jězus, jako bu wyšši měšnik po rjedže Melchisedechowym na wěki.\*

## STAW VII.

Hdyž Melchisedechowe měšnistwo w dóstaću dźesatkow a w žohnowanju Leviowe přewyšuje, přesaha měšnistwo Khrystusowe, po Melchisedechowym rjedže na wěki založene a z přisahu wobtwjeržene, tež levitiske měšnistwo a zběha je sobu ze zakonjom.

**T**ónle Melchisedech mjenujcy, kral Sa-

17. Jakož čłowjekowje swoje słowo z přisahu wobkrućeju a swoje zwady skónčnje z přisahu rozsudžeju, tak cheyš tež Bóh, zo by wěstosć swojeho slubjenja wobkrućil, z přisahu je wuprajic, zo by so čim krućišo wěriło; njepláčeše džěn slubjenje Abrahamej samomu, ale tež wšěm ludam. — 18. Z dwójim, ze slubjenjom a přisahu, kotrejž lžu njedowolatej, cheyš Bóh swoju wolu cyle wěstu a krutu nam wozjewić, zo bychmy změrowani byli, hdyž w čerpjenjach a horjach k tutej nadźiji swój wuček bjerjemy. — 19. Jakož kótwica lódž wobkruća a we wichorach zakita, zo by na skalinach so njerozrazyla, tak wobkruća tale nadźija tež dušu w horjach žiwjenja. Nadźija pak dosaha do njebjes, hdžež ma swój zaměr a swoje wopřijeće; přetož w njebjesach skónči so nadźija, tam dóstanjemy, čohož so nadźijachmy. Njebjesa rěkaju tudy znutřkowny zawěšk t. r. zawěšk, kiž swjatnicu wot Najswjećišeho džěli; za znutřkownym zawěškom je Najswjećišo, kotrejž za bydło Božo, za znamjo njebjes plaći. — 20. Do Najswjećišeho zastupi wyšši měšnik na dnju wjednanja; do Najswjećišeho w njebjesach zastupi Jězus, wyšši měšnik po rjedže Melchisedechowym, zo by tam za nas woprowal a tež nam přistup wotewrił.

VII. 1. Wo Khrystusowym měšnistwje po Melchisedechowym rjedže, na kotrejž list 5, 10 spomni, wuči nětko wobšěrnišo, zo wone levitiske měšnistwo stareho zakonja přewyšuje; přetož 1. bě Melchisedech wosebniši dyžli Abraham a levitowje (4—10); 2. Khrystusowe měšnistwo je levitiske ze starym zakonjom, w kotrymž měješe swoju podpěru, zběhnyło (11—22); 3. Khrystusowe měšnistwo je wěčne (23—25); tež njeje z hrěchom womazane, ale cyle čiste. \*\* Melchisedech bě Salemski kral, t. r. wjerch krajiny, w kotrejž pozdžišo hłowne město Palestiny, Jerusalem, ležeše, a měšnik najwyššeho Boha; hdyž bě Abraham kralow, kotřiž běchu měsće Sodomu a Gomorrhru wurubili a Lota wotwjedli, zbil a Lota wumóžil, přińdže jemu Melchisedech napřećiwu a požohnowa jeho. — 2. Mjeno Melchisedech rěka kral sprawnosće; a słowo „salem“ rěka měr, pokoj; tuž je tamny měšnik po swojim mjenje: kral sprawnosće a kral pokoja. Wón je předznamjo Khrystusa, dokelž je tón čłowjekam sprawnosć před Bohom a pokoj z Bohom dobył. — 3. Swjate pismo nje-mjenjuje Melchisedowych přjedownikow, ani jeho narod, ani smjereć, tak zda so jeho cyla wosoba potajua; tež w tom je předznamjo Khrystusa, kiž je jako jednorodženy Syn Boži woprawdže bjez spočatka, a jakož so ničo njewě wo přestaću Melchisedechoweho měšnistwa, tak traje tež Khrystusowe měšnistwo wěčne. — 4. Dźesatki podawachu so jeno wyššemu; kak wysoko stoji potajkim Melchisedech, hdyž jemu sam prawóte Abraham dźesatk podawa, a z tym jako wyše sebje stojaceho připóznawa. — 5. Jeno čí potomnicy ze splaha Levi běchu měšnicy, kotřiž wot Aarona pokhadzachu. \*\* Hódnosć levitiskeho měšnistwa wobstoi w tom, zo smědzachu měšnicy wot israel-skeho ludu dźesatk žadać, a z tym plaćachu jako wyše wšědného Israelity pozběhnjeni, hač runje běchu tež tući Abrahamowi potomnicy.

lema, měšnik najwyššeho Boha,\* kotryž napřećiwu wuńdže Abrahamej, jako so wróćeše z pobića kralow a jeho požohnowa,\*\* 1. Mójz. 14, 18.

2. Kotremuž Abraham tež dźesatk wot wšoho wudžěli; kotryž drje najprjedy so přeloža: kral sprawnosće, potom pak tež kral Salema, štož je: „kral pokoja“,\*

3. Bjez nana, bjez maćerje, bjez rodu, a nima ani počatka dnjow, ani kónca žiwjenja, podobny sčinjeny Synej Božemu, (wón) wostawa měšnik na wěčne.\*

4. Hladajće tohodla, kak wulki tón je, kotremuž je tež dźesatk z najlěpšeho dal Abraham, patriarcha.\*

5. A maju wšak, kotřiž ze synow Levia měšnistwo dóstawaju,\* po zakonju prikaznju, dźesatki brać wot ludu, to je wot swojich bratrow, hač runje tež čí wuńdžechu z Abrahamowych ledžbow; \*\*

5. Mójz. 18, 3. Jos. 14, 4.